

ouerster borgheren **I**n hoechluden
den stemen louen dy alle hillinghen i
soeten louen en vullherteliker blyscap.
Du begheert dy noch toe louen o
soete moeder dat deuote choer der mo-
niken. ende dat choer der clerckē mit
twalludenden louesanghe **O**y predi-
ken die meysters inder godliker const
ende inden gheesteliken rechte. de ghe-
leerden ende philoſophen en doctoren
inden keyserliken rechten **D**ie cracht
dijns naems anbeden paeus en bis-
scoppen. mytten coeninghe en heren
anroepen dy die princen **A**ldus doe
oock die hartoghē mytten greuen.
die marchgreuen die ridders mytten
ridderen. die oppersten mytten nyen
ridders en ionckere. **O**y anbeden
nu mytten machtighen die drosten
ende casteleynen. die baner heren
mytten houeluden en die opperste
borghers **D**at ynighe ghemene